

漢書第二

讀書雜誌四

高郵王念孫

異姓諸侯王表

章文繆獻

秦起襄公章文繆獻孝昭嚴稍蠶會六國顏師古斷章
文繆獻爲句孝昭嚴爲句解上句云至文公繆公獻公
更爲章著也念孫案獻公在繆公之後十六世而與文
繆並數之旣爲不倫且上下句法亦屬參差當斷章文
繆爲句獻孝昭嚴爲句孝公卽獻公之子也章文繆據
春秋時言之獻孝昭莊蠶會六國則據戰國時言之文

義甚明史記秦楚之際月表序曰秦起襄公章於文繆
獻孝之後稍以蠶食六國是其明證也師古不以獻孝
昭嚴爲句者其意以蠶食六國自孝公始不當并及於

獻耳今案史記六國表曰秦獻公十九年敗韓魏洛陰

舊本陰譌作陽今據魏世家集解所引改正

周本紀曰顯王五年賀秦獻公

獻公稱伯秦本紀曰獻公二十一年與晉戰於后門斬

首六萬天子賀以黼黻二十三年與晉戰少梁虜其將

公孫痤

舊本晉上有魏字今刪說見史記

則秦之彊寔自獻公始六國

表序曰秦始小國僻遠諸夏賓之比於戎狄至獻公之

後常雄諸侯此又一證也

初置

孝惠七年初置淮陽國念孫案初置當依史表作復置
地理志云淮陽國高帝十一年置高五王傳云趙幽王
友十一年立爲淮陽王孝惠元年徙王趙是旣徙之後
國除爲郡至惠帝崩後高后復置淮陽國以封所詐立
惠帝子強不得言初置也此涉上文初置魯國而誤
諸侯王表

其王不周

河閒獻王德 其王不周嗣念孫案不周當爲不害字
之誤也

隸書害字或作害與周相似而誤

景十三王傳及史表五宗世

家皆作不害

三年

常山憲王舜 眞定元鼎三年頃王平以憲王子紹封
泗水元鼎三年思王商以憲王少子立念孫案三年皆
當爲四年此涉上文元鼎三年王勃嗣而誤武紀云元
鼎四年立常山憲王子商爲泗水王地理志云眞定國
武帝元鼎四年置泗水國故東海郡武帝元鼎四年別
爲泗水國史記漢興以來諸侯表云元鼎四年思王商
元年頃王平元年漢興以來將相名臣表云元鼎四年
立常山憲王子平爲眞定王商爲泗水王五宗世家云

眞定王平元鼎四年用常山憲王子爲眞定王泗水思
王商元鼎四年用常山憲王子爲泗水王皆其證

王子侯表

脫二字

沈猷夷侯歲念孫案史表猷作猶索隱曰漢表在高苑
又楚元王傳封元王子歲爲沈猶侯晉灼曰王子侯表
屬千乘高苑地理志作高苑今本末一格脫高苑二字當補入

豫章

安城思侯蒼 豫章念孫案安城史表作安成地理志
安成屬長沙不屬豫章豫章本在下條宜春侯成下因

此條脫長沙二字而豫章二字遂移入此條矣

史表索隱引此

已誤

水經贛水注云十三州志稱廬水面出長沙安成縣

今本安成作安復乃後人所改依新校本訂正

武帝元光六年封長沙定王子

劉蒼爲侯國是其證

脫二字

宜春侯成念孫案此條末一格當有豫章二字今誤入上條地理志豫章郡宜春水經贛水注云牽水面出宜春縣漢武帝元光六年封長沙定王子劉成爲侯國是其證

勝容 勝侯客

劇作

原侯鎔

侯勝容嗣念孫案勝容二字義無所

取當是勝客之譌高祖功臣表有樊噲曾孫勝客恩澤
侯表有丙吉元孫勝客急就篇有薛勝客未有名勝容
者又高祖功臣表河陵頃侯郭亭

河陵當作阿陵
說見功臣表

下云

勝侯客嗣勝侯客亦當依史表作侯勝客

東海

臨朐夷侯奴

東海念孫案地理志東海無臨朐縣此

涉下條東海而誤也東海當爲東萊地理志曰東萊郡

臨朐水經巨洋水注曰巨洋水逕臨朐縣故城東漢武

帝元朔二年封菑川懿王子劉奴爲侯國是其證

雷侯

雷侯孫念孫案雷當爲盧史表亦誤作雷地理志城陽

國有盧縣

今本盧誤作盧或云盧盧古字通非也辯見地理志

水經沂水注云盧

川水東南流逕城陽之盧縣故葢縣之盧上里也漢武

帝元朔二年封城陽共王弟劉孫爲侯國是其證周官

職方氏其浸盧維鄭注云盧維當爲雷維字之誤也隸

書盧字作盧其上半與雷相似故周官之雷誤作盧而

史漢表之盧又誤作雷或謂古字通用非也韻書盧在

模部雷在灰部灰部之字不得與模部通故鄭不云聲

之誤而云字之誤

辟土

辟土節侯壯念孫案史表辟下無土字蓋壁辟古字通

成二年左傳辟司徒杜注主壘壁者爾雅釋天營室東壁曲禮注壘軍壁也釋文壁故作辟故漢表

作壁而寫者誤分爲二字師古音闕非也水經流水注

云葛陂水西南流逕辟城南世謂之辟陽城漢武帝元

朔二年封城陽其王子劉壯爲侯國則作辟土者誤也

漢之辟城在城陽莒縣

見流水注

與東海相近故表在東海

也

平城 脫二字

平城侯禮念孫案平城當依史記作成平水經濁漳水

注云成平縣故城漢武帝元朔三年封河間獻王子劉
禮爲侯國地理志成平南皮俱屬勃海故索隱云表在
南皮縣相近故也若平城則在北海去南皮遠矣又末
一格脫南皮二字當依索隱補

前侯

前侯信師古曰字或作鼓音側流反念孫案前卽鼓字
之誤隸書鼓字作鼓因譌而爲前史記作叢徐廣曰一
作散索隱曰叢音緌蓋書傳叢字或作鼓叢鼓皆以取
爲聲故皆有緌音也公羊春秋僖三十三年公伐邾婁
取叢釋文叢作鼓疏云叢有作緌
者其作散者亦鼓之譌

二月

胡毋侯楚 二月癸酉封念孫案二月當依史表作十月自蒲領侯以下二十四侯皆以元朔三年十月癸酉封若此侯獨以二月封則不當列於正月之前矣

安意

象氏節侯賀 侯安意嗣念孫案安意當作安惠惠古德字與意相似而誤史表正作安德又高后功臣表有齊受元孫安德

脫二字

建成侯拾念孫案史表索隱云表在豫章今本末一格

脫豫章二字當補入地理志建成屬豫章郡水經贛水
注云濁水東逕建成縣漢武帝元朔四年封長沙定王
子劉拾爲侯國是其證

敦侯 敦侯

臨樂敦侯光師古曰敦字或音弋灼反又作敦古穆字
念孫案敦字無弋灼反之音敦亦非古穆字此傳寫脫
誤當作敦字或作敦音弋灼反又作敦古穆字說文敦
讀若龠正合弋灼反之音玉篇穆古文作敦集韻云穆
古作敦皆其證玉篇作敦與俗書敦字尤相似敦與敦
皆周書謚法所無

史記亦作敦索隱引謚法
善行不怠曰敦未詳所出則皆敦之

譌也敷古穆字謚法曰布德執義曰穆中情見貌曰穆是也

下文定敷侯越敷亦謚法所無史記作敷侯敷爲敷之譌敷又敷之譌耳今本史記敷侯作敬侯後人以意改之也索隱單行本作敷引說文敷讀如躍則司馬所見本正作敷而謚法無敷則其爲敷字之譌可知今本史記既改敷爲敬又改索隱云漢表作敷說文云敷讀如躍殊爲可笑或又謂漢表敷字爲敬字之譌不知敬字左畔與敷字絕不相似若本是敬字無緣譌爲敷也敷字左畔與敬字亦不相似又不得改敷爲敬也

三十五年

牟平其侯渫 元狩三年節侯奴嗣三十五年夢大始
二年敬侯更生嗣念孫案三十五年當依景祐本作二
十五年自元狩三年至大始二年凡二十六年侯奴之
夢在前一年故曰二十五年

歊

歊安侯延年師古曰歊音許昭反念孫案歊當依史表

作鄠

李奇注韓信傳曰鄠音羹臚之臚

地理志鄠縣屬常山卽左傳哀

四年齊國夏伐晉取鄠者也延年爲趙肅王子故封

於常山

鄠縣故城在今趙州柏鄉縣北

後有鄠侯舟亦

王子蓋延

年以元鼎五年坐酎金失侯故又封舟於郿也郿侯舟
下書常山則此亦當有常山二字而寫者脫之郿與歐
字形相似而誤師古望文爲音失之矣

乘邱

乘邱節侯將夜念孫案乘邱當依史表作桑邱史記趙
世家韓舉與齊魏戰殂于桑邱正義曰括地志云桑邱
城在易州遂城縣界今保定府安肅縣西南有桑邱城
漢之北新城地也地理志在北新城屬中山國將夜爲
中山靖王子故封於中山若乘邱則屬泰山故城在兗
州府滋陽縣西北去中山遠矣水經洙水注云洸水面

南逕泰山郡乘邱縣故城東趙肅侯二十三年韓將舉
與齊魏戰於乘邱卽此縣也漢武帝元朔五年封中山
靖王子劉將夜爲侯國蓋所見趙世家王子侯表之桑
邱皆誤爲乘邱遂有此謬證矣隸書桑字作乘乘字或
作乘見漢安平相孫根碑二形相似故桑訛作乘耳又史表之桑
邱索隱云表在溪澤蓋地理志溪澤與北新城皆屬中
山地相近故也今末一格脫溪澤二字當補入

脫一字

桺宿夷侯蓋念孫案此條末一格有涿字而今本脫之
史表桺宿索隱云表在涿郡是其證涿與中山相連此